

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23) i člana 37.a stav 1. Zakona o lovstvu („Službene novine Federacije Bosne i Hercegovine“, broj: 4/06, 8/10 i 81/14), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 132. sjednici, održanoj 12.06.2026. godine, d o n o s i

O D L U K U
O DODJELI SPORTSKO-PRIVREDNIH LOVIŠTA NA PODRUČJU ZENIČKO-DOBOJSKOG KANTONA U ZAKUP NA PERIOD OD 10 LOVNIH GODINA NAJPOVOLJNIJIM PONUĐAČIMA KOJI ISPUNJAVAJU KRITERIJE UTVRĐENE U PONOVNOM JAVNOM POZIVU

Član 1.

(Predmet Odluke)

Ovom odlukom dodjeljuju se sportsko-privredna lovišta osnovana Odlukom o osnivanju lovišta na području Zeničko-dobojskog kantona („Službene novine Zeničko-dobojskog kantona“, broj: 10/09), u zakup najpovoljnijim ponuđačima koji ispunjavaju kriterije utvrđene u Ponovnom javnom pozivu za prikupljanje ponuda za dodjelu u zakup sportsko-privrednih lovišta na period od 10 lovni godina na području Zeničko-dobojskog kantona, kako slijedi:

1. sportsko - privredno lovište „BREZA”, Breza, površine 7.288,00 ha, Udruženju građana-Lovačkom društvu „Breza“ Breza sa sjedištem u Brezi, Mustafe Keškića bb, Breza sa zakupninom za korištenje koja iznosi 11% od planiranog godišnjeg prihoda od odstrela divljači iz važeće lovno-privredne osnove ili privremenog godišnjeg plana gospodarenja divljači,
2. sportsko - privredno lovište „ŽEPČE“, Žepče, površine 18.947,00 ha, Lovačkom društvu „JELEČ“ Žepče, sa sjedištem u Žepču, Ulica prva bb, Žepče, sa zakupninom za korištenje koja iznosi 11% od planiranog godišnjeg prihoda od odstrela divljači iz važeće lovno-privredne osnove ili privremenog godišnjeg plana gospodarenja divljači,
3. sportsko - privredno lovište „MATUZIĆI I MRAVIĆI“, Doboju Jug, površine 1.024,00 ha Udruženju-Lovačkoj organizaciji „SRNDAC“ Doboju Jug sa sjedištem u Doboju Jugu, ul. Bukvik br. 41, Mravići, Matuzići, Doboju Jug, sa zakupninom za korištenje koja iznosi 11% od planiranog godišnjeg prihoda od odstrela divljači iz važeće lovno-privredne osnove ili privremenog godišnjeg plana gospodarenja divljači.

Član 2.

(Zaključivanje ugovora)

U skladu sa članom 39. stav 3. Zakona o lovstvu i člana 1. ove odluke zaključit će se ugovor o dodjeli lovišta na korištenje između Ministarstva za poljoprivredu, šumarstvo i vodoprivredu i korisnika lovišta.

Član 3.

(Zabrana ustupanja lovišta)

Korisnici kojim su data lovišta u zakup ne mogu ta lovišta davati u podzakup ili ustupati drugim korisnicima.

Član 4.

(Obračunavanje visine godišnje zakupnine)

Zadužuje se Ministarstvo za poljoprivredu, šumarstvo i vodoprivredu da na osnovu lovno-gospodarskih osnova ili privremenih godišnjih planova gospodarenja kao i procentualnih iznosa zakupnine iz člana 1. ove odluke obračunava visinu godišnje zakupnine za korištenje sportsko-privrednih lovišta iskazane u konvertibilnim markama.

Član 5.

(Način raspodjele zakupnine)

Korisnici sportsko-privrednih lovišta putem tri odvojena platna naloga uplaćivat će zakupninu u korist Budžeta Zeničko-dobojskog kantona (u daljem tekstu: Budžet Kantona) u iznosu od 60%, u korist Budžeta Federacije BiH (u daljem tekstu: Budžet Federacije) u iznosu od 20% i u Budžet općine (u daljem tekstu: Budžet Općine) na čijem području se ostvaruje prihod u iznosu od 20%, najkasnije do 31. januara za tekuću lovnu godinu.

Član 6.

(Realizacija Odluke)

Za realizaciju ove odluke zadužuje se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 7.

(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-22-11786/26

Datum, 12.06.2026. godine

Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x Korisnici - Udruženja građana-Lovačka društva sa područja

Zeničko-dobojskog kantona od 1-3, putem Ministarstva,

1x „Službene novine Zeničko-dobojskog kantona“,

1x a/a.